

BOSNA I HERCEGOVINA  
FEDERACIJA BOSNE I  
HERCEGOVINE  
ZENIČKO-DOBOJSKI  
KANTON  
GRAD ZENICA  
**Komisija za sprovođenje  
imenovanja Gradskog pravobranioca u  
Gradskom pravobranilaštvu Grada Zenica**

Zenica, 06.01.2020. godine

**IZVJEŠTAJ**  
**o sprovedenom Javnom konkursu**  
**za imenovanje Gradskog pravobranioca u Gradskom**  
**pravobranilaštvu Zenica**

Članom 33. Zakona o pravobranilaštvu („Službene novine Zeničko-dobojskog kantona“, broj: 12/13) i članom 11. Odluke o osnivanju Gradskog pravobranilaštva Zenica („Službene novine Općine Zenica“, broj: 5/14 i „Službene novine Grada Zenica“, broj: 2/15) utvrđeno je da Gradskog pravobranioca imenuje i smjenjuje Gradsko vijeće Zenica na prijedlog Gradonačelnika Grada Zenica.

Komisija za sprovođenje imenovanja Gradskog pravobranioca u Gradskom pravobranilaštvu Grada Zenica, imenovana Rješenjem Gradonačelnika broj: 02-49-22325/19 od 08.10.2019. godine, imala je zadatak da provede proceduru izbora kandidata za imenovanje na poziciju Gradskog pravobranioca u Gradskom pravobranilaštvu Zenica po prijavama podnesenim na Javni konkurs objavljen u „Službenim novinama Federacije BiH“ broj: 66/19 od 11.09.2019. godine, te dnevnim listovima „Oslobođenje“ i „Dnevni avaz“ i na web stranici Grada Zenica, a u skladu s odredbama Zakona o ministarskim, vladinim i drugim imenovanjima FBiH.

Komisija u sastavu: Almira Baručija Kapidžić, predsjednica i članovi Komisije: Azra Hajdarević, Bojana Primorac, Armela Beganović i Asmir Mašić, dana 31.12.2019. godine, otvorila je prijave i utvrdila da su pristigle ukupno dvije prijave, obje blagovremeno podnesene od strane kandidata kako slijedi:

1. Zlatko Osmanović iz Zenice i

## *2. Damir Arnautović iz Zenice.*

*Nakon pregleda navedenih prijava, Komisija je konstatovala da su pristigle prijave uredne, odnosno da sadrže cjelokupnu dokumentaciju traženu predmetnim konkursom.*

*Potom je Komisija pismenim i usmenim putem obavijestila kandidate s urednim prijavama o terminu održavanja intervjua, a koji je održan dana 03.01.2020. godine, u maloj sali Grada Zenica (Služba kabineta Gradonačelnika – II sprat), s početkom u 10,15 časova. Predsjednica Komisije Almira Baručija Kapidžić nije prisustvovala intervjuu iz razloga unaprijed planiranog korištenja godišnjeg odmora, što znači da je Komisija radila u sastavu od četiri člana. Intervjuu su pristupili pozvani kandidati, te je Komisija obavila intervjue s istima, i to kako slijedi:*

- 1. Zlatko Osmanović iz Zenice i*
- 2. Damir Arnautović iz Zenice.*

*1. Kao prvi kandidat pristupio je **Zlatko Osmanović**, VSS, dipl. pravnik iz Zenice sa položenim pravosudnim ispitom od 08.09.2008. godine. Rad u struci započinje kao pripravnik u „Izgradnji“ d.d. Zenica i u Zavodu za zapošljavanje Zenica, a u periodu od 1985. godine do 1993. godine obavlja imovinsko pravne poslove i normativne poslove i poslove pravnog savjetnika u firmi „Vatrostalna“ d.d. Zenica. Dugogodišnju karijeru 1997. godine do 2015. godine ostvaruje na međunarodnom polju, i to u OSCE-u u terenskom uredu u Zenici, potom u Uredu Visokog predstavnika u OHR-u u Nezavisnoj pravosudnoj komisiji u BiH (IJC), zatim na USAID-ovom projektu razvoja sektora pravosuđa (JSDP), te u Nezavisnoj sudskoj i tužilačkoj komisiji Priština na Kosovu (NSTK). U okviru USAID-a djeluje i na Projektu efikasnog upravljanja u Crnoj Gori (GGAM) i na Projektu razvoja sektora pravosuđa II (JSDP II), a posljednji EU radni projekat je Human Dynamics u Sarajevu. U Gradskom pravobranilaštvu Grada Zenica imenovan je za Gradskog pravobranioca u periodu od 16. marta 2015. godine do 15. marta 2019. godine, na kojoj poziciji je vršio poslove pravne zaštite imovine i imovinskih interesa Grada Zenica, njenih organa, tijela, fondova i drugih subjekata koji nemaju svojstvo pravnog lica, a koji se finansiraju iz Budžeta Grada ili Grad vrši osnivačka prava u njima. Također, u okviru Gradskog pravobranilaštva vršio je zastupanje pred svim sudovima i drugim nadležnim tijelima, inostranim sudovima, arbitražama i drugim inostranim državnim tijelima i organizacijama, te druga prava i dužnosti utvrđene Zakonom.*

*2. Kao drugi kandidat pristupio je **Damir Arnautović**, VSS, dipl. pravnik iz Zenice s položenim pravosudnim ispitom od 21.10.2013. godine. Rad u struci započinje u*

2008. godine u DD „Izgradnja – Inženjering“ Zenica, a sve do 2016. godine radi na poslovima diplomiranog pravnika, gdje između ostalog vrši sastavljanje ugovora iz obligacionih i radnih odnosa, sastavljanje i podnošenje sudu tužbi, žalbi i drugih podnesaka u parničnom i izvršnom postupku, te zastupanja u sudskim sporovima. U navedenoj firmi 2016. godine preuzima funkciju Direktora, na kojoj ostaje do 2017. godine. U januaru 2018. godine, imenovan je za Zamjenika pravobranioca Općine Vareš, gdje obavlja poslove iz djelokruga Pravobranilaštva koje utvrdi pravobranilac, a u slučaju kada je pravobranilac spriječen ili odsutan zamjenjuje ga u vršenju svih poslova.

Svaki član Komisije je svakom od navedenih kandidata s urednim prijavama postavio po jedno isto stručno pitanje iz oblasti pravobranilaštva, lokalne samouprave, obligacionog, parničnog i vanparničnog, stvarnog prava i upravnog prava, iz čega proizlazi da su svi kandidati tretirani ravnopravno, s jednakim mogućnostima za uspješno predstavljanje svojih stručnih znanja, vještina i drugih ličnih kvaliteta, potrebnih za obavljanje dužnosti Gradskog pravobranioca.

Za svako postavljeno pitanje svaki član Komisije je imao pravo i bio obavezan ocijeniti kandidata s ocjenom od 1 do 5. Ocjenjivanje se vršilo odmah nakon obavljenog intervjua sa svakim kandidatom i to na obrascima za ocjenu kandidata, koji sadrže ime i prezime kandidata, jasan sadržaj stručnog pitanja, pojedinačnu ocjenu po svakom od stručnih pitanja, ukupnu ostvarenu prosječnu ocjenu, datum ocjenjivanja, kao i vlastoručni potpis člana Komisije koji ocjenjuje svakog kandidata ponaosob. Svaki od kandidata konačno je ocjenjivan na način što je za svakog od istog zbrojena pojedinačno ostvarena ukupna prosječna ocjena, te tako dobiven zbir podijeljen s brojem članova Komisije, odnosno brojem 4.

Shodno naprijed navedenom, a na osnovu člana 12. tačka 1. Zakona o ministarskim, vladinim i drugim imenovanjima u FBiH, kao i razmatranja svih raspoloživih podataka i saznanja s obavljenog intervjua s kandidatima, Komisija je utvrdila Rang listu kandidata koji ispunjavaju kriterije za imenovanje na dužnost Gradskog pravobranioca u Gradskom pravobranilaštvu i to kako slijedi:

<b>R. br:</b>	<b>IME I PREZIME KANDIDATA:</b>	<b>UKUPNA OSTVARENA PROSJEČNA OCJENA:</b>
<b>1.</b>	<b>ZLATKO OSMANOVIĆ</b>	<b>5,0</b>
<b>2.</b>	<b>DAMIR ARNAUTOVIĆ</b>	<b>3,2</b>

Komisija će navedenu rang listu dostaviti Gradonačelniku Grada Zenica na dalje razmatranje, a koji će na osnovu iste liste sačiniti prijedlog za imenovanje

*Gradskog pravobranioca i nadalje uputiti Gradskom vijeću Zenica na razmatranje i donošenje rješenja o imenovanju u skladu s odredbama člana 33. Zakona o pravobranilaštvu („Službene novine Zeničko-dobojskog kantona“, broj: 12/13) i člana 11. Odluke o osnivanju Gradskog pravobranilaštva Zenica („Službene novine Općine Zenica“, broj: 5/14 i „Službene novine Grada Zenica“, broj: 2/15).*

**KOMISIJA O IMENOVANJU  
GRADSKOG PRAVOBRANIOCA  
U GRADSKOM PRAVOBRANILAŠTVU ZENICA:**

- |                     |       |
|---------------------|-------|
| 1. Azra Hajdarević  | _____ |
| 2. Bojana Primorac  | _____ |
| 3. Armela Beganović | _____ |
| 4. Asmir Mašić      | _____ |